

Zeitschrift: Le nouveau conteur vaudois et romand
Band: 82 (1955)
Heft: 2

Rubrik: La page fribourgeoise
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.11.2024

ETH-Bibliothek Zürich, E-Periodica, <https://www.e-periodica.ch>

La page fribourgeoise

Lè Botè

Pèlaji dou Kaoro îrè vinyête vèva tota dzoûnêta, ma kemin îrè dè têna, grindze, n'avi pao trovao à chè rè maryao. L'avi loyî le bin è vikechê cholèta in alèvin cha filyèta, la galéja Louise, ke rèchimblyao vè to kratse chon chènaya.

Tyè k'on koû la filyèta vinyête filye, îrè on vretaoblyo meryâ dè foû, è ti lè dzoûno li bordenaovan aprî, kemin di j'ao outoua de na bènèta. Pèlaji dè-puchtaovè, bramaovè, ma rin n'a chêju. On bî delon dè bènichon, Louise ch'è maryaoye avu Pyéro dè Prao-Boû, on to galé dzoûno, on bokon vi, ke n'avi rin jou pouère dè cha bala mère. Chta-che nepovi pao li pèrdenao de li avi prè cha Louise è li portaovè na tèrubly rankuna.

On koû maryao, Pyéro l'avi prè cha Louise vèr li è la dona îrè chobraoye cholèta. L'è îrè bon, pè Prao-Boû ! Bat-chîvan ti lè j'an ! Dutrè bouébo îran arouvao. Pèlaji alaovè amon ti lè yao-dzo, dèpuchtaovè, kudjîvè impoutenao cha Louise kontre chon byo-fe. Ma mouche ! N'avi pao mèche !

Lè j'infan l'avan krè. Là bouébo îran di bon luron ; le plye vîlyo l'avi keminhyî l'èkoûla, è falyi chovin la kojandère è l'èkofê.

On bî dzoua ke l'èkofê îrè in trin dè fére di botè à chtou piti, la Pèlaji arouvè. Kemin ne povi pao fére à pachao cha bila chu Pyéro, ch'è veryâ kontre l'èkofê.

— Kemin ! Vo j'îthè rè inke ! L'è to pari na vèrgonye ! Vo li îthè dza jou po Paotyè. Tyè fédè vo por di botè, ke douron dinche pou gran tin ?

Adon chtiche, ke n'avi pao la linvoua à cha fata, li rèbrekè in rijolin :

— Akuta, Pèlaji, vu dza fére di botè ke tindron to dou lon, che vo mè chonyîdè la matère.

— E bin, tyè vo fô the ?

— Di laormè dè byo-fe po l'impènye, è de la rankuna dè bala-mère po le cholin. Adon, on è imbotao po tota cha ya !

Joseph Yerly.

La Bénichon

La Bènichon l'è kotuhblya, ch'on vou bin règalao chè j'èmi è chè-j'invelè. Hou dzoua, lè méjon chon chin dèchu dèjo. Lè fèmalè chon grindzè pè l'othô. Tan dè travô, tan dè pochyin po bin rèchuèdre, è mantinyi chon rènom !

Yôdina dou Rèvè l'avi na filye ke kortijaovè on kavaylé du pèr d'avô. La Frosine îrè jou somelyère din on kabaré pèr dèchu lè kouètso è l'avan fi konyechanthe dinche. Tyè ke ora falyi rèchuèdre le bî kavalyé, è ou Rèvè n'avan pao tan l'akuè. L'avan on piti trin : duvé vatsè, on modzon, on bokon dè têra avu on dzordi, à tinke ! îrè to.

Portan, la Lyôdina voli parèthre. Falyi ke le martyan à cha filye ch'in d'alichè kontin. Voli fére di bunyè. Tyè ke lè toupènè dè buro fondu fajan dèfô. Chè krojîvè la tîtha tota la né po n'in chalyî. La vèlye de la Bènichon, raohylè vè Sidoni dou Marè, cha vejena, è li fa :

— Di vè, Sidoni, che te mè léchè kuère mè bunyè din ton buro, tè lécho kuère ta tsambèta din mè tsou.

Joseph Yerly.

YVERDON

Un relais
Le Buffet

A. MALHERBE-HAYWARD

Téléphone (024) 2 31 09